

इवनिंग डोगरी न्यूज़ बुलेटिन

समे .18:15 Hrs

Headlines

- 1 प्रधानमंत्री नरेंद्र मोदी होर औंदी 6 जून गी कटड़ा-श्रीनगर रेल संपर्क दा उद्घाटन करडन।
- 2 जम्मू-कश्मीर च लश्कर-ए-तैयबा ते हिज्बुल मुजाहिदीन आतंकी संगठनें कन्नै सरबंध होने पर इक टीचर ते शपाही सने त्रै मलाजमें गी बर्शास्त करी दित्ता गेआ।
- 3 उपराज्यपाल मनोज सिन्हा होरें माता खीर भवानी मंदरै च मत्था टेकेआ, जम्मू-कश्मीर च रमानदारी, सद्भाव ते खुशहाली लेई प्रार्थना कीती।
- 4 पुंछ जिले च नियंत्रण रेखा कन्नै लगदे अगेत्रें इलाकें च 60 कोला मते जींदा मोर्टार शेल बरामद करिये नकारा कीता गेआ।
- 5 आई.पी.एल-2025 दा खताबी मकाबला अज्ज पंजाब किंग्स ते रॉयल चैलेंजर्स बैंगलुरु बश्कार।

<><><><><><>

PM-Inaguration

प्रधानमंत्री नरेंद्र मोदी होर 6 जून गी कटड़ा थमां कटड़ा-श्रीनगर रेल लिंक दा उद्घाटन करडन जेड़ा जे जम्मू-कश्मीर दे भारत दे बाकी हिस्सें कन्नै रेल संपर्क दे इतिहास च इक नमा ध्याय होग। इस मौके प्रधानमंत्री होर चिनाह दरेआ पर बनाए गेदे दुनिया दे सब्बनें शा उच्चे रेल पुलै दा बी उद्घाटन करंगन। अपनी इक सोशल मीडिया पोस्ट च केंद्री मंत्री डॉ. जितेंद्र सिंह होरें इस बारै जानकारी दिंदे होई आखेआ जे एह पुल नमें भारत दी इंजीनियरिंग दे क्षेत्र च महारत, दक्षता ते खित्ते लेई नमीं बदली दी सोच दा प्रतीक ऐ। सांसद जुगल किशोर शर्मा होरें बी इसी जम्मू-कश्मीर दे विकास ते इकजुटता दा इक नमा दौरा करार दिंदे होई आखेआ।



Govt. Employees Sacked

आतंकी नेटवर्क दे खलाफ इक महत्वपूर्ण कार्रवाई करदे होई उपराज्यपाल मनोज सिन्हा होरें अज्ज प्रतिबंधित आतंकवादी संगठनें-लश्कर-ए-तैयबा ते हिज्बुल मुजाहिदीन कन्नै कथित सरबंधें दे आरोप च 3 सरकारी मुलाजिमें गी बर्खास्त करी दिता ऐ। एहू बर्खास्त मुलाजिम, जिंदे च इक पुलस कांस्टेबल, इक स्कूल शिक्षक ते इक सरकारी मेडिकल कालेज च इक जूनियर मेडिकल कालेज च जूनियर असिस्टेंट शामिल न, इस बेलै जेला च कैद न। इक वरिष्ठ सुरक्षा अधिकारी नै आखेआ ऐ जे बर्खास्त कीते गेदे एहू मुलाजिम सक्रिय आतंकवादी सहयोगी हे जेड़े रसद, थेआरें दी तस्करी ते सुरक्षाकर्मियों ते नागरिकें दे खलाफ आतंकवादी गतिविधियों दा समर्थन करने च हिस्सा लैंदे हे। एहू कार्रवाई जम्मू-कश्मीर च आतंकवादी तंत्र दे प्रति प्रशासन दे सख्त रवैये गी उजागर करदी ऐ।



LG Kheer Bhawani

उपराज्यपाल मनोज सिन्हा होरें अज्ज गांदरबल दे तुलामुला स्थित माता खीर भवानी मंदर जाइयै जम्मू-कश्मीर दे लोकें दी सलामती, तरक्की ते खुशहाली दी कामना कीती। एल.जी होरें उत्थे दर्शनें लेई आए दे श्रद्धालुएं कन्नै गल्लबात बी कीती जेड़े ज्येष्ठ अष्टमी दे मौके पर लग्गने आहले माता खीर भवानी मेले च शामिल होने ते इस प्राचीन धार्मिक अस्थान पर मत्था टेकने गितै आए दे हे। जम्मू-कश्मीर च ते टकोहदा करियै कश्मीरी पंडित समुदाय च इक मेले दा इक गैहरा धार्मिक ते सांस्कृतिक महत्व ऐ। इस मौके मीडिया कन्नै गल्ल करदे होई एल.जी होरें आखेआ।

उपराज्यपाल होरें मगरा लाल चौक दा बी दौरा कीता ते उत्थे मकामी कारोबारिण कन्नै बी गल्लबात कीती। एल.जी होरें खित्ते च रमानदारी आहला साजगार म्हाल कायम करने दी सरकार दी बचनबद्धता गी बी पक्का कीता।



Kheer-Bhawani Jammu

सलाना खीर भवानी मेला मनाने आस्तै अज्ज जम्मू दे भवानी नगर च स्थित खीर भवानी मंदर च सैकड़ें बद्दे श्रद्धालुएं माता रानी हुंदे दरबार च मत्था टेकेआ। देवी रागन्या गी समर्पित एहू मंदर बशेश रूप कन्नै कश्मीरी पंडित बरादरी आस्तै महत्वपूर्ण धार्मिक महत्व रखदा ऐ। इस मौके पर श्रद्धालुएं मां भवानी गी खीर दा भोग लोआया, जदूं कि मंदर भक्ति मंत्रें ते भजनें कन्नै गूंजदा रेआ। इस मौके पर प्रशासन आसेआ निग्गर सुरक्षा प्रबंध कीते गेदे हे। कन्नो-कन्नो श्रद्धालुएं दी बड़ी भीड़ गी दिखदे होई बिशेष इंतजाम बी कीते गेदे हे। इस मौके पर इक श्रद्धालु नै खीर भवानी मेले दे महत्व पर बोलदे होई आखेआ।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश पर्यावरण सरबंधी कुल संसारी ध्याड़े दे मौके पर 20एं मिनटें दी इक विशेष परिचर्चा प्रसारित करा'रदा ऐ। एहू परिचर्चा 5 जून गी बड्डलै साड्डे 9 बजे प्रसारित होग। इस परिचर्चा च स्हाड़े परौहने होडन प्रो. यशपाल शर्मा डीन जीव विज्ञान विभाग, जम्मू यूनिवर्सिटी जिंदे कन्नै गल्लबात करडन स्हाड़े न्यूज एंकर श्रुति खजूरिया ते कुणाल श्रीवत्स। तुस एहू कार्यक्रम स्हाड़े इस्सै चैनल पर Medium wave 990 Kilo hertz ते FM 100 इशारिया 3 Mega Hertz पर सुनी सकदे हो।

<><><><><><>

Unexploded-Shells

जम्मू-कश्मीर च पुंछ जिले दे कब्जा रेखा कन्नै लगदे अगेत्रें ग्राएं 60 सोयां मते वगैर फट्टे दे गोले दा पता लाया ते उनें'गी सफलतापूजवक नकारा बनाया गेआ। साहडे संवाददाता नै दस्सेआ नै दस्सेआ ऐ जे हुनै तगर कुल 67 बगैर फटे दे गोले दा पता लाया गेआ ते फीहू उनें गी नकारा बनाया गेआ। सेना 7 सोयां 10 मेई बश्कार पाकिस्तान आस्सेआ बन्ने पारा थ्वां कीती गेदी गोलीबारी मगरा बगैर फटे दे शैलस गी व्यवस्थित तरीके कन्ने नकारा बना र दी ऐ। एहू अभियान सेना आस्सेआ आबादी आहले ते राईबाई आहले क्षेत्रें सोयां खतरनाक हथियारें गी हटाने दी व्यापक पैहल दा हिस्सा ऐ।

<><><><><><>

Viksit-Krishi

राई-बाई खेत्तर गी बढावा देने दी इक बड्डी पैहलकदमी दे तैह्त्त रम्भेआ गेदा विकसित कृषि संकल्प अभियान, करसानें गी इक्क ऐसा बधिया मंच उपलब्ध करोआ करदा ऐ जेह्दे राहें ओहू राई-बाई सरबंधी साईसदानें ते बक्ख-बक्ख मैह्कमें दे अधिकारिएं कन्नै जुडी सकै करदे न। इस अभियान दा मकसद राई-बाई सरबंधी अज्जै-कल्लै दिएं तकनीकें, सरकारी योजनाएं ते कृषि सरबंधी टिकाउ तौर-तरीकें बारै जागरूकता पैदा करना ऐ। इस अभियान दे तैह्त्त करसानें गी मुतल्लका मैह्कमें दे माहिरें कन्नै गल्लबात दा मौका थ्होआ करदा ऐ जेह्दे राहें उ'नेंगी राई-बाई दे बेह्तरिन तौर-तरीकें अपनाने च मदाद थ्होआ'रदी ऐ। इस बारै आकाशवाणी समाचार कन्नै खास गल्लबात दौरान स्कास्ट जम्मू च कृषि अर्थ शास्त्र विभाग दे अध्यक्ष प्रो. डॉ. पवन कुमार होरें आखेआ।

<><><><><><>

Yoga-Camp

औंदे अंतरराष्ट्री योग दिवस कोला पैहले विश्व योग संस्थान आसेआ जम्मू च योग बारे जागरूकता पैदा करने गितै इक कार्यक्रम दा सरिस्ता कीता गेआ। एह्दा मकसद लोकें अंदर योग दे शारीरिक, मानसिक ते आध्यात्मिक महत्व बारै जागरूकता पैदा करना हा। इस कैंप च खरी मती गिनतरी च लोकें शिरकत कीती ते बडी दिलचस्पी कन्नै योग दिएं बरीकिएं ते महत्व बारे जानकारी हासल कीती। सांसद जुगल किशोर शर्मा होरें बी बतौर मुख् परौहने शिरकत कीती ते इस आयोजन लेई संस्िान दी सराहना कीती। उनें आखेआ।

<><><><><><>

Eid-Timings

जम्मू-कश्मीर वक्फ बोर्ड नै जम्मू जिले च ईद-उल-अजहा दी नमाज दे समें दी घोषणा कीती ऐ। बोर्ड आसेआ जारी इक अधिसूचना मूजब 7 जून 2025 गी औने आहली ईद-उल-अजहा आस्तै ईदगाहें ते मस्जिद शरीफें च बक्ख-बक्ख समें पर माज अदा कीती जाग। लोक इस बारै होर मती जानकारी आकाशवाणी समाचार जम्मू दे ट्विटर अकाउंट थमां लेई सकदे न।

<><><><><><>

IPL-Cricket

आईपीएल 2025 दा फाइनल मैच अज्ज अहमदाबाद दे नरेन्द्र मोदी स्टेडियम च खेड्डेआ जाग। संजा साढ़े 7 बजे शुरू होने आले इस खताबी मकाबले च पंजाब किंग्स ते रॉयल चैलेंजर्स बेंगलुरु दियां टीमां आमने सामने होंगन। दौनों टीमें इस सीजन च अपना शानदार प्रदर्शन दस्सेआ ऐ पर रजत पाटीदार दी अगुवाई आली रॉयल चैलेंजर्स बेंगलुरु टीम दे जित्तने दे मते कयास लाग जा'रदे न।

<><><><><><>